

地又似癡又似俏本來面目須明曉曠代劫來無箇知只知名
利是便宜你休嗔你休喜今只分明說與你雲中清雨細如絲
滋潤靈苗在根底

丹陽繼韻

頭分了髻尋宗祖手拍肚皮打喬鼓反老還童見本源兩腳輕
狂街上舞行也喬坐也喬喬來喬去似王喬也無男也無女也
無妻妾并田土飢來餐困來睡也無種也無被自在逍遙只恁
地半似癡半似俏半癡半俏無箇曉自家自得自心知不問人
前宜不宜任人嗔任人喜人喜人嗔誰采你落魄婪耽姿意喬
喬話風狂直到底

道藏輯要

重陽教化集

元

胃集二
卅川大

紀夢

古道心中性三田用內觀九爻陽極數一字了然看開德神應
爽扶風氣自團於予真有助精耀入雲端

丹陽繼韻

內境勝外境如何向裏觀不勞雀目視須用慧眸看丹藥清清
秀神光燦燦團九重陽焰捧真性自然端

遇仙槎

鰲魚海裏遊首尾長搖擺百日下金鈎釣出娑婆界應無離水
憂鵬化扶風快隨我上青霄同赴龍華會

丹陽繼韻